



كل



العيون



عليها!



مصر، في عيون المصريين، ست. اسمها مصر، مؤنثة، أم الدنيا. بس وضع الستات في الحقيقة مختلف تمامًا. تاريخ الست المصرية مثم معروف، وحياتها اليومية محدث يبهتم بيها، خصوصًا في الحكايات اللي بيحكها الغرب عن مصر.

علشان كده، من سنة ٢٠٢١ بدأ مشروع "آثارنا المتغربة" بالتعاون مع متحف هورنيمان، ومع مجموعة من الستات المصريات ومبادرات من القاهرة، ولندن، ودلتنا مصر، والأقصر، يشتغلوا سوا على مشروع "كل العيون عليها!". الهدف منه إنهم يحكوا عن المقاومة اليومية للست المصرية، ويرجعوا يدها المكانة اللي تستحقها في الثورات، وفي الماضي، والحاضر كمان.

عنوان المعرض مترجم من جملة مصرية بتوصف تجربة الست المصرية في أي مكان عام.. كل العيون عليها. لكن العنوان كمان بيعكس اهتمام الغرب الشديد بتاريخ مصر القديم. من أول العصر الفيكتوري، كل العيون كانت على مصر، وده اللي خلى تراثها يتفرد ويتهجر في كل حة في العالم على يد علماء آثار بريطانيين من سنة ١٨٨٢ لحد ١٩٨١.

ومن ضمن الأمثلة، متحف هورنيمان بيضم مجموعة كبيرة من الآثار المصرية، والمثير كمان إنه عنده مجموعة ضخمة من الفساتين والمجوهرات من تمانينات القرن العشرين.

العرض الخاص بالمشروع في متحف هورنيمان هو تنسيق مجتمعي شاركت فيه الستات المُكرّمات في المعرض، بالتعاون مع هبة عبد الجواد ويوهانا زيترستروم - شارب.

# "قاومي!"

الاعتراف بالستات اللي بيكسروا توقعات المجتمع دايماً بيبقى جكر على ولاد الأكاير. لكن الحقيقة إن مقاومة المصريات باينة جدًا في تصرفاتهم اليومية، في الأماكن العامة، من أول الطريقة اللي بيدبروا بيها بيوتهم وشغلهم وتجارتهم، لحد لعبهم بالباتيناج في شوارع وحواري القاهرة، وكمان في اعتراضهم ومواقفهم اللي بتظهر في الجرافيتي على الحيطان.

من هنا الستات المصريات بيكسبوا مساحات أكبر كل يوم. ورغم إن أغلبهم مبيقولوش على نفسهم إنهم ناشطات أو نسويات، إلا إنهم فعلاً بيغيروا شكل المجتمع، وبيقاوموا الأفكار القديمة عن طريق ممارسات بسيطة لكنها قوية، من جوه حياتهم اليومية.

وعلشان كدا، المعرض ده بيكزّم مقاومة الستات المصريات في تفاصيل حياتهم اليومية زمان، ودلوقتي.



# عاش يا كاشن!

فيلم مي زايد الوثائقي الفائز بجوايز بيحكى عن قصة ستات مصريات من الطبقة العاملة بيتمرنوا عشان يقوا بطلات أولمبياد في رفع الأثقال. الفيلم يتكلم عن رحلة أربع سنين لبطلة رفع الأثقال أسماء رمضان المشهورة بزبية. بيطهر الفيلم إزاي البطلة بتكسر تابوهات المجتمع وبتتحدى الصورة الجندرية للستات برغم إنها بتصرف على نفسها.



## قوة الكحل

بالنسبة للمصريين، الكحل عمره ما كان مجرد مكياج والسلام. من زمان جدًا، الستات والرجال كانوا بيكحلوا عينيهم علشان الكحل يحميهم من الشمس، ويعالج الالتهابات، ويطرد العفاريت، وكمان يحميهم من الحسد.

دلوقتى، الإنفلونسرز المصريين على السوشيال ميديا بيرجعوا الستايل المصري القديم، كنوع من الفخر بالتراث، وعلشان يكسروا المعيار الأبيض للجمال اللي كان مهيمن لفترة طويلة.



# وشوش العوام


الوش دا واحد من الوشوش المنحوتة اللي كانت جزء من التوابيت، وكان الهدف منها تكريم الناس بعد موتهم، حتى لو هويتهم مش معروفة.

إحنا اخترنا الوشوش دي علشان نسلط الضوء على مشاركة الستات العاديات في ثقافة مصر القديمة.. الستات العاملات، اللي رغبم إنهم مش معروفين بالاسم، إلا إنهم وشوش العوام... وشوش الناس اللي فعلاً بنى وجودهم حضارتنا.

# شبيك ليك، دينا محمد

من وهي عندها ١٨ سنة، ديना محمد، فنانة الكوميكس المصرية، بتتحدى الروايات الغربية عننا، وقدمت أول بطله خارقة محجبة بتحارب الإسلاموفوبيا والذكورية، واسمها "قاهرة".

وفي أول سلسلة قصص مصورة ليها، "شبيك ليك"، بتحكي ديना عن المشاكل اللي سببها استغلال الاستعمار لورث الشعوب، واللي لسه أثره مكمل لحد دلوقتى، من طرد الناس من بيوتهم، وتشريدهم بعيد عن أراضيهم، لحد الحفائر الأثرية اللي اتعملت على حسابهم.



5cm

# الثورة

هتأخدي ايه معاكي وإنتي رايحة ثوري؟

في ١٦ مارس ١٩١٩، خرجت ستات مصر من ديانات مختلفة في شوارع القاهرة احتجاجًا على الاحتلال البريطاني، وكلهم كانوا لايسين ليس زي دا. هتفوا "مصر للمصريين"، ورفعوا أعلام عليها الهلال والصليب، رمزًا للوحدة الوطنية.

الجنود البريطانيين وقتها فتحوا النار على المتظاهرات، وأتهموهم إنهم بيعملوا شغب وسلب ونهب. ودلوقتي، يوم ١٦ مارس بقى يوم المرأة المصرية، تكريمًا للسنت نساء اللي استشهدوا وقتها.

الستات في مصر ليهم تاريخ طويل جدًا في النضال الثوري، بس نادرًا ما حد بيعترف بيه. من الأعلام، للدبايس، للتمائم الحامية، وحتى الباتيناچ، كل دول كانوا أدوات الستات زمان ودلوقتي وهما بيستعدوا للثورة، علشان يحمو أنفسهم وبلدهم.



## ثورة الشَّيْبِي

زمان، في مصر القديمة، كان فيه تماثيل صغيرة اسمها الشَّيْبِي، والكلمة معناها "يُجيب". التماثيل دول كانوا ونس لأصحابهم في حياتهم بعد الموت، بيشتغلوا بدلهم وبيساعدوهم في العالم الثاني.


بس علشان حجمهم صغير وعددهم كان كبير، اتسرقوا وقت الاستعمار، واتشالوا من أرضهم واتعرضوا في متاحف ومجموعات خاصة بره مصر.

ودلوقتي... الشَّيْبِي قرروا بثوروا!!  
متمردين على مصيرهم، وعلى مصير كل ستات مصر القديمة اللي اتنسنت أصواتهم، واتدفتت حكاياتهم في التاريخ.

# ديبوس المقاومة وتثبيت المتحرشين

عادةً، الدبابيس دي الستات بيستخدموهم علشان يثبتوا الطرحة على راسهم. لكن في ثورة يناير ٢٠١١، الدبابيس دي اتحولت إلى رمز للمقاومة النسائية. الستات استخدموهم لتثبيت المتحرشين، كرد فعل على اللي كانوا يحاولوا يمنعوهم من النزول للمظاهرات باستخدام التحرش كأداة تخويف.

بس الستات ما خافوش، بالعكس، وقفوا ضد دا بشجاعة، وبدأوا يعلّقوا دبابيس كبيرة في الشنط والستيات بتاعتهم، علشان يدافعوا عن نفسهم، ويأكدوا إن صوتهم ومكانهم في الثورة مش قابل للسكوت ولا للإلغاء.



## أحميتي

التمائم في مصر كان ليها أهمية كبيرة جدًا، خصوصًا كأدوات للحماية أو الشفاء. في القرن الـ١٩ في جنوب مصر، الستات كانوا أصحاب المعرفة دي، هما اللي سيطروا على صناعة التمام، وشكّلوا جزء أساسي من الطب التقليدي، وكانوا بيعالجوا الناس بيها. ولحد النهاردا، التمام لسه ليها دور مهم جدًا في حياة الناس.

التميمة ممكن تكون رمز أو دعاء، للحماية من الجن، أو لجلب الحظ الحلو، أو لتحسين الصحة. وكان فيه ستات كتير عندهم خبرة كبيرة في صناعتها، ومثلوا جزء مهم من الطب الشعبي المصري. ولحد دلوقتي، لسه الناس بتستخدم التمام في الممارسات الروحية والثقافية، كوسيلة للاتصال بالتراث ولطلب الحماية والبركة.

# انطلقت

بالباتيناج الملون، الستات بقت رايحة جاية في زحمة القاهرة، بتكسر هيمنة الذكور على الشوارع ويتعلن إن الشوارع للجميع.

من وقت الكورونا، الحركة دي كبرت أكثر وأكثر، وبقت بتوقّر معدات وتدريب مجاني للبنات والستات، علشان يشجعوهم ينزلوا ويتحركوا بحرية. ودا فعلاً شجّع ستات كثير إنهم يكُونوا مجموعات وينزلوا سوا، زي مجموعة "حورس سكيت"، اللي إحنا اتجمعنا معاهم في شراكة ضمن المشروع.



مكتوب فيها بيت للشاعر المصري العظيم أحمد شوقي، بيقول:

"أخراً على بلايله الدَّوْحُ... خلال للطيرِ من كل جنس؟"


البيت دا، ومعاه أبيات ثانية من شعره، كان من القصايد اللي كتبها شوقي ضد الاستعمار، واللي كانت السبب إن الإنجليز نفوه بتراً مصر. كأن الورقة نفسها بتكمل رسالة المقاومة، حتى وهي بتلف دبائيس ستات بيواجهوا الظلم في زمن تاني.

# معارضة للاستعمار؛ فك اللغات والعُقَد

الدبائيس اللي فاتوا دول كانوا ملفوفين في ورقة مقطوعة من كتاب مدرسة، مكتوب فيها بيت للشاعر المصري العظيم أحمد شوقي، بيقول:

"أخراً على بلايله الدَّوْحُ... خلال للطيرِ من كل جنس؟"

البيت دا، ومعاه أبيات ثانية من شعره، كان من القصايد اللي كتبها شوقي ضد الاستعمار، واللي كانت السبب إن الإنجليز نفوه بتراً مصر. كأن الورقة نفسها بتكمل رسالة المقاومة، حتى وهي بتلف دبائيس ستات بيواجهوا الظلم في زمن تاني.



## استعادة تاريخنا

استعادة التراث بقت جزء أساسي من نشاط الستات اليومي. الستات في كل حنة في مصر بيتحدّوا استيلاء الغرب على تراثهم، وبيعتمدوا على الثقافة الشعبية والموضة كوسيلة لإثبات قوتهم ووجودهم.

أسماء حليم، فنانة نوبية مصرية ومعالجة بالرقص، بتستخدم الرقص البلدي كأداة للتحرّر من القوالب الغربية اللي حاولت تقيدّ الجسد الأنثوي.

أسماء بتشجع الستات بلبسوا فساتين بترتر زي دي، ويزيحو عنهم العار والوصم من خلال جلسات علاجية بالرقص البلدي. ومن خلال شغلها، بتعيد إحياء تراث الرقص البلدي كوسيلة تمكّن الستات من كل الأجيال إنهم يستمتعوا بأنوثتهم، ويأكدوا حقهم في أجسادهم.

# الفاشونستا المحجبة

الحجاب البنفسجي ده كان الستات بيتزوقوا بيه في المناسبات والأفراح في الثمانينات، في الوقت اللي كان فيه ستايل الحجاب في مصر محافظ أكثر. لكن من أول الألفينات، بدأ يظهر جيل جديد من المحجبات بيرفعوا شعار "شيك وفي نفس الوقت محتشم".

من مايوهات المحجبات لحد اللبس الواسع المتناسق مع الطرح الفاتحة، الستات المصريات قدروا يخلقوا لنفسهم مساحة جديدة في الموضة.


الحجاب عندهم مش مجرد ستايل، دا أسلوب حياة، ومش مجرد ذوق فردي، لكنه سوق كامل بيكبر كل يوم، وبيثبت إن الحجاب ممكن يكون عنوان للأناقة مش بس رمز للاحتشام.



## شعري الكيرلي

المشاط القديمة دي كانت معمولة مخصوص علشان تناسب أنواع شعر معينة، خصوصًا الشعر الملولو أو المفلفل. الستات المصريات واجهوا ضغوط كبيرة من المجتمع علشان يفردوا شعرهم وبيقوا أقرب لمعايير الجمال الأفرنجي اللي بتمجد الشعر المفرد والناعم.

لكن بعد ثورة ٢٠١١، ظهر جيل جديد من المؤثرين على السوشيال ميديا أصحاب الشعر الطبيعي، وأطلقوا حملة لدعم الشعر الكيرلي والمفلفل، علشان يشجعوا الناس يتقبلوا شكلهم الطبيعي، ويكسروا القوالب المفروضة عليهم. الحملة دي كمان ساعدت في تشجيع الصناعات والمنتجات المحلية الخاصة بالعناية بالشعر، والتي بتركز على الجمال الطبيعي المصري.



## من الجنوب صنع بحب، جنوبي

"جنوبي" هي ماركة ملابس مصرية أسستها الفنانة والمصممة ندى الحلفاوي، وهي نوبية مصرية تستمد إلهامها من تراث الجنوب المصري وتنوعه. العلامة تحتفل بالألوان المملعة والحركة في التصاميم التي تدمج بين الهوية المصرية الأصيلة واللمسة العصرية.

تصاميم ندى طالعة من قلب وروح الهوية المصرية، وتتقدم أزياء معاصرة بأسعار معقولة، بتشجيع المصريين إنهم يعبروا عن هويتهم من خلال لبسهم اليومي.

# بانوراما بنات البرشا

الرقّ هي آلة موسيقية مصرية استخدمتها الفرقة النسائية "بانوراما بنات البرشا" في عروضهم في شوارع القرى البعيدة في مصر. العروض دي بتركز على تراث الصعيد المنسي، وبتناقش قضايا مهمة زي التمييز بين الستات والرجال في القرى المغلقة، وزواج القاصرات، وتحديد قيمة التعليم على أساس النوع.

ولو حابين تعرفوا أكثر عنهم وعن تجربتهم، ممكن تفرجوا على فيلم "رفعت عيني للسما".



تمت ترجمة النصوص من الإنجليزية للعامة المصرية  
خلال ورشة ترجمة مع فاطمة الزهراء وآثارنا المتغربة  
وملنيل ع الآخر، في فبراير ٢٠٢٥.

## شارك في الورشة:

إسراء الحضري  
إيمان صبحي  
بسمة أحمد  
بيشوي محروس  
دانة أمير  
دنيا ياسر  
ريم عمرو  
سارة الغباشي  
سامي جمعة  
لميس أحمد  
مريم حجازي  
مريم رسلان  
مريم علاء  
محمد أبو جبل  
محمود الجبالي  
مونيكا عطية  
هاجر عبد الماجد



ملنيل ع الآخر  
Millennial



Arts & Humanities  
Research Council



مشروع تعاوني مجتمعي بين مبادرة آثارنا المتغيرة اللي بتسعي لتمكين وتفعيل دور المصريين في سرد تاريخهم ومتحف وحدائق هورنيمان بلندن، المملكة المتحدة لكسر الصورة النمطية عن مصر وستاتها في المتاحف الغربية.

**إدارة المشروع و نصوص الوصف والبحث التاريخي:**

هبة عبد الجواد

**إشراف على الترجمة للعامية وتحرير المطبوعة:**

فاطمة الزهراء

**تصميم المطبوعة:**

أمينة دياب